

आकाशवाणी

खबरां ----

1. खजाना मंत्री निर्मला सीतारमण होंरें लोकसभा च पूरक मंगें दा दुआ बैच पेश कीता।
2. रेलवे मंत्री अश्विनी वैष्णव होंरें रेलवे संशोधन बिल 2024 मंजूरी आस्तै राज्यसभा च पेश कीता।
3. लदान विधेयक 2024 लोकसभा च पेश कीता गेआ जेदा मकसद बपार ते वाणिज्य गतिविधिएं च बाद्दा करना ऐ।
4. सरकार नै आखेआ ऐ जे 30 करोड़ 68 लक्ख असंगठित श्रमिक ई-श्रम, पोर्टल पर दर्ज करी लैते गेदे ना।
5. महिला प्रीमियर लीग क्रिकेट च मुम्बई इंडियन्स दा मुकाबला गुजरात जायंट्स कन्नै मुम्बई च होग।



Supplementary-Demands

सरकार नै कुल अतिरिक्त 51 ज्हार 462 करोड़ रपे मौजूदा माली बरे च खर्च करने दी संसद कोला इजाजत मंगी ऐ। अतिरिक्त मंगें गी मंजूर करने आस्तै दुआ बैच वित्तीय मंत्री निर्मला सीतारमण होंरें लोकसभा च पेश कीता। सरकार थमां 6 लक्ख 78 ज्हार 508 करोड़ रपे खर्च करने दी मंजूरी मंगी गेई ऐ। इस बाद्दू खर्चे च खाद दी सब्सिडी आस्तै 12 ज्हार करोड़ रपे, सरकारी मलाजमें दी पेंशन आस्तै 13 ज्हार 449 करोड़ रपे शामिल ना। एहदे च रक्षा पेंशन आस्तै 8 ज्हार 476 करोड़ रपे ते दूर संचार आस्तै 5 ज्हार 332 करोड़ रपे शामिल ना।



RS-R.Wy Amendment Bill

रेल मंत्री अश्विनी वैष्णव होरें रेलवे संशोधन बिल 2024 गी मंजूरी आस्तै राज्यसभा च पेश कीता। इस बिल च रेलवे कनून 1989 च बदलाव करने दी मंजूरी मंगी गई ऐ ते रेलवे बोर्ड दी शक्तियां बदाने बारै बी आखेआ गेआ ऐ तां जे बोर्ड दी कारकरदगी च बाद्दा होई सकै ते बोर्ड आत्मनिर्भर बनी सकै। बिल पेश करदे होई वैष्णव होरें आखेआ जे इस बिल दे राएं भारती रेलवे बोर्ड कनून इंडियन रेलवे बोर्ड एक्ट 1905 दे सारे प्रावधानें गी रेलवे एक्ट 1989 च शामिल करने दा प्रस्ताव ऐ। लोकसभा पैहले गै रेलवे संशोधन बिल 2024 गी मंजूरी देई चुकी दी ऐ। चर्चा दी शुरूआत करदे होई कांग्रेस दे विवेक के तन्खा होरें आखेआ जे भारती रेलवे सिर्फ यात्रुएं गी नेही ढोंदी सगुआं अरबें लोकें दी मेदें, सपने ते संघर्ष दी साक्षी ऐ।



Northern Railway Special Train

उत्तर रेलवे, होली दे पैहले यात्रुएं दी सखल्ली जात्तरा ताई 400 खास रेल गड्डियां चला रदी ऐ। नमीं दिल्ली च मीडिया कन्नै गल्लबात करदे होई उत्तर रेलवे दे मुख पी.आर.ओ हिमांशु शेखर उपाध्याय होरें जानकारी दिती जे जात्तरुएं दी सहूलत गी ध्यान च रखदे होई तफसीली इंतजाम कीते गेदे ना। उनें दस्सेआ जे नमीं दिल्ली, आनन्द, बिहार, हरजत निजामुद्दीन रेलवे स्टेशनं पर यात्रुएं आस्तै सुरक्षा, लघु नियंत्रण कक्ष ते वेटिंग एरिया दे प्रबंध कीते गेदे ना। उपाध्याय होरें आखेआ जे जरूरत पौने पर होर खास ट्रेनां चलाइयां जांगन।



Gadkari-Improved Roads

शिडक परिवहन ते राजमार्ग मंत्री नितिन गडकरी होरें आखेआ जे शिडक नेटवर्क च सुधार करिये चीजें दे उत्पादन दे खर्चे गी घट्ट कीता जाई सकदा ऐ। एहदे कन्नै बपार ते ग्राहक, दौनें गी लाहू थ्होगा। अज्ज नमीं दिल्ली च साबन, डिटर्जेंट ते सज्जनें संवरने दे समान पर 7में अंतरराश्ट्रीय सम्मेलन गी संबोधित करदे होई उनें आखेआ जे दरम्याने, निक्के ते मते निक्के उद्यमें गी मता फायदा होग। गडकरी होरें उद्योगें थमां उत्पादन लागत घट्ट करने ते गुणवत्ता बदाने पर ध्यान देने दा आह्वान कीता। सम्मेलन दा विषय सार स्वच्छता का भविक्ष फ्यूचर ऑफ क्लीन ऐ जेडा घर ते अपनी दिक्खभाल उद्योग पर केंद्रित न।



Puri Metro Network

भारत च चीन ते अमरीका दे बाद दुनिया दी त्री सब्भनें शा बड्डी मेट्रो प्रणाली ऐ। राज्यसभा च जिमनी सवाल दा जवाब दिंदे होई पेट्रोलियम ते कुदरती गैस मंत्री हरदीप सिंह पुरी होरें दस्सेआ जे मौजूदा देशभर च 23 शहरें च 1 ज्हार किलोमीटर शा मते लम्मे रस्ते पर मेट्रो रेल सेवा चलारदी ऐ। उनें दस्सेआ जे 979 किलोमीटर मेट्रो लाइन बनाई जा'रदी ऐ ते पूरा होई जाने पर मेट्रो नेटवर्क 29 शहरें तोडी फैली जाग। पुरी होरें आखेआ जे दुआ सब्भनें शा बड्डा शहरी मेट्रो नेटवर्क बनने आस्तै केंद्र सरकार गी राज्य सरकारें दे सहयोग दी जरूरत ऐ।



Rajya Sabha Proceeding

राज्यसभा च सदन दी बैठक अज्ज बड्डुलै जिस्सलै शुरू होई उपसभापति हरिवंश होरें दक्खन राज्यें च परिसीमन दे मुद्दे गी लेइयै विरोधी पार्टिणं दे स्थगन नोटिस पेश करने दी इजाजत नेई दिती। विरोधी दले कथित नकली मतदाता पंछान संख्या ते दुए मुद्दे गी लेइयै स्थगन दा नोटिस देने दी कोशिश कीती ही। कांग्रेस, टी.एम.सी, डी.एम.के ते दुए दले दे सदस्य इस मुद्दे गी लेइयै नारेबाजी करन लगे। उपसभापति होरें सदस्यें गी अपील कीती जे ओहू अपनी सीटें पर वापस चली जान ते सदन दी

कार्यवाही चलन देन। बाद च कांग्रेस, टीएमसी, डीएमके, समाजवादी पार्टी ते दुए सदस्यें इस मुद्दे उप्पर वाकआउट कीता। सदन दे नेता जे.पी नड्डा होरें विरोधी दलें पर इल्जाम लाया जे ओह सदन थमां वाकआउट करिए गै जिम्मेदाराना रूख अपनारदे ना। उनें आखेआ जे सरकार कुसै बी मुद्दे पर बहस आस्तै तैयार ऐ। उनें एह बी आखेआ जे सदन च कई मुद्दें रखने लेई सूचि च न जिंदे पर सदस्यें गी अपनी गल्ल रखने दा मौका मिलोग। उनें आखेआ जे विरोधी सांसदें गी सदन दे नियमें ते विनियमें बारै च कथित रिफ्रेशर कोर्स करने दी लोड ऐ।

<><><><><><>

Landing Bill

लदान विधेयक-2024 अज्ज लोकसभा च चर्चा ते मंजूरी आस्ते पेश कीता गेआ। एह विधेयक लदान जारी करने आस्तै कनूनी ढांचा प्रदान करने आहले भारती लदान अधिनियम 1856 दी थाह लैग। केंद्री पतन, पोत परिवहन ते जलमार्ग मंत्री सर्बानन्द सोनोवाल होरें विधेयक पेश करदे होई आखेआ जे एह विधेयक पोत परिवहन खेत्तर आस्तै खासतौर पर बपार ते वाणिज्य गतिविधिएं गी बढ़ावा देने आस्तै महत्वपूर्ण ऐ। उनें आखेआ जे एहदे कन्नै वैश्विक समुंद्री थाहें गी समझने दा कम्म असान होई जाग।

<><><><><><>

LS-Worker

सरकार नै आखेआ ऐ जे ई-श्रम पोर्टल पर 30 करोड़ 68 लकख शा मते असंगठित कम्मगार पंजीकृत होई चुके दे ना। असंगठित कम्मगारें दा इक व्यापक राष्ट्रीय डाटाबेस बनाने आस्तै साल 2021 च एह

पोर्टल शुरू कीता गेआ हा। लोकसा च अज्ज श्रम ते रोजगार मंत्री शोभा करंदलाजे होरें आखेआ जे कुल पंजीकृत कम्मगारें च 53 फीसदी शा मतियां महिलां ना। उनें आखेआ जे अज्जै तोडी बक्ख-बक्ख केंद्री मंत्रालयें ते विभागें दी 13 योजनाएं गी ई-श्रम कन्नै जोडेआ गेआ ऐ। इन्दे च पी.एम स्वनिधि, प्रधानमंत्री सुरक्षा बीमा योजना, प्रधानमंत्री जीवन ज्योति बीमा योजना, प्रधानमंत्री आवास योजना-ग्रामीण ते आयुष्मान भारत प्रधानमंत्री जन आरोग योजना शामिल ऐ।

<><><><><><>

National-Safety Week

देश च 54मां राष्ट्रीय सुरक्षा सप्ताह मनाया जा'रदा ऐ। एह हफ्ता हर बरे 4 थमां 10 मार्च दे बश्कार मनाया जंदा ऐ। एहदा मकसद बक्ख-बक्ख खेत्तरें च सुरक्षा सावधानिएं दे बारे जागरूकता बढ़ाना ऐ। इस बरे दा विषेसार ऐ-विकसित भारत आस्तै सुरक्षा ते सोआस्थ महत्वपूर्ण।

<><><><><><>

Court-Engineer Rashid

दिल्ली दी इक अदालत नै अज्ज जेल च बंद जम्मू-कश्मीर दे सांसद शेख अब्दुल राशिद दी हिरासत पैरोल अर्जी खारिज करी दित्ती ऐ। उनें संसद सत्र च हिस्सा लैने आस्तै इजाजत मंगी ही। अतिरिक्त सत्र न्यायधीश चंद्रजीत सिंह होरें उंदी एह याचिका खारिज करी दित्ती ते रशीद हुंदी नियमित जमानत याचिका पर आदेश इस म्हीने दी 19 तरीक गी पक्का कीता। रशीद होर 2019 थमां तिहाड़ जेल च ना। उनेंगी 2017 च आतंकी फंडिंग मामले च गैर कनूनी गतिविधि रोकथाम अधिनियम दे तैहत राष्ट्री जांच एजेंसी नै गिरफ्तार कीता हा। एनआईए दी जांच रशीद हुंदा सरबंध कारोबारी

जहूर वटाली कन्नै सामने आया हा जिसी कथित तौर पर आतंकवादी गुटें गी फंडिंग करने दे आरोप च गिरफ्तार कीता गेआ हा।

<><><><><><>

Anti Dumping

भारत नै चीन ते जापान थमां आयात होने आहले जल उपचार च प्रयुक्त रसायनों पर पंज साल आस्तै 986 अमरीकी डालर प्रति टन तगर दा डंपिंग रोधी शुल्क लाया ऐ। एहू कदम घरेलू उद्योग गी सस्ते आयात थमां बचाने आस्तै उठाया गेआ ऐ। वित्त मंत्रालय नै अपनी अधिसूचना च आखेआ ऐ जे एहू फैसला वाणिज्य मंत्रालय दी जांच शाखा, बपार उपचार महानिदेशालय दी सिफारशें दे बाद लैता गेआ ऐ जेदे च ट्राइक्लोरो आईसोसायन्यूरिक एसिट पर शुल्क लाने दी गल्ल आक्खी गेई ऐ। निदेशालय नै अपनी सिफारिशें च आखेआ ऐ जे चीन ते जपान थमां भारत च डंप कीते गेदे आयात दे कारण घरेलू उद्योग गी नुकसान होआ ऐ। मंत्रालय नै आखेआ ऐ जे निष्पक्ष बपार सुनिश्चित करने ते घरेलू उद्योग गी समान अवसर प्रदान करने आस्तै डंपिंग रोधी उपाऽ कीते जंदे ना।

<><><><><><>

PM-Mouritius Visit

प्रधानमंत्री नरेन्द्र मोदी होर मॉरीशस दे अपने दऊं दिनें दे सरकारी दौरे दरान उत्थुआ दे प्रधानमंत्री हुंदे कन्नै बक्ख-बक्ख परियोजनाएं दा उद्घाटन करगंन। इनें परियोजनाएं च सिविल सेवा कालेज ते क्षेत्रीय सेहत केन्द्र शामिल ना। एहू परियोजना भारत दी मदद कन्नै बनाई गेदियां ना। आकाशवाणी समाचार कन्ने गल्लबात करदे होई भारत दे उच्चायुक्त अनुराग श्रीवास्तव होरें आखेआ जे भारत ते मॉरीशस दे दरम्यान निगगर, गतिशील ते दबक्खी सरबंध न ते प्रधानमंत्री मोदी हुंदा दौरा दौनें मुखें दे बश्कार निगगर सरबंधें दी तसदीक करोग ते इस सरबंधे गी नमीं उंचाइएं पर लेई जाने च मदद करोग।

<><><><><><>

WPL-Cricket

महिला प्रीमियर लीग क्रिकेट च अज्ज मुम्बई इंडियन्स दा सामना गुजरात जायंट्स कन्नै होग। एह मैच मुम्बई च शामी साड्डे 7 बजे शुरू होग। दौनें टीमां दिल्ली कैपिटल्स दे कन्नै प्लेऑफ च थाहर बनाई चुकी दियां ना। अज्ज दे मैच च टूर्नामेंट दा पहला फाइनलिस्ट तैय होई सकदा ऐ।



LA-Health Infra

सेहत मंत्री सकीना इत्तू होरें जम्मू-कश्मीर च मजूदा सेहत ढांचे गी बेहतर ते निगगर बनाने ते कन्नै इस सेक्टर च खाली पेदिएं असामिएं गी पुर करने दे सरकार दे धेइयै गी फही पक्का कीता ऐ। अज्ज विधानसभा च सदन गी जानकारी दिंदे होई मंत्री होरें दस्सेआ जे भारत सरकार दे सेहत ते परिवार कल्याण मंत्रालय आसेआ 2023 च जारी इक रिपोर्ट दे मताबक जम्मू-कश्मीर हर साड्डे त्रै ज्हार दी अबादी पिच्छे इक सेहत इदारा ऐ जिस्सलै कि मुल्लखै च एह ओसत यानि राश्ट्रीय सतह पर एह गिनतरी 6 ज्हार लोकें पिच्छे इक सेहत संस्थान दी ऐ। उनें दस्सेआ जे जम्मू-कश्मीर सरकार अपनी मजूदा सेहत सुविधाएं च होर बेहतरी आहनने लेई उप्परोतली हीले करै करदी ऐ ते हर सतह पर एहदे च सुधार आहनने ते दर्जा बधाने लेई सरकार पूरी चाल्ली बचनबद्ध ऐ।



LA-Uproarious Scenes

विधानसभा च अज्ज कठुआ जिले दे बिलावर च 3 आम नागरिकें दी हत्या ते गुलमर्ग च इक कथित असभ्य ते अश्लील फैशन शो करोआए जाने गी लेइयै खूब डंड रौली मची। आकाशवाणी दे जम्मू संवाददाता नै जानकारी दित्ती ऐ जे अज्ज बडुलै प्रश्नकाल शुरू होआ ता नेशनल कांफ्रेंस ते कांग्रेस दे विधायक बिलावर च 3 लोकें दी हत्या दे मामले पर बैहस करोआने दी मंग करदे होई उठी खड़ोते। स्पीकर होरें नेशनल कांफ्रेंस दे मिम्बरें गी सदन दी कार्रवाई च अडचन नेही पाने दी बार-बार अपील कीती पर उन्दे ठकानें दे बावजूद बी ओहू नेही थमोए ते रौला पांदे होई विरोध जारी रक्खेआ। डंड रौली दरान गै कुपवाड़ा दे विधायक मीर मोहम्मद फयाज होरें गुलमर्ग च कथित असभ्य ते अश्लील फैशन शो करोआने खलाफ सख्त कार्रवाई दी मंग कीती कीजे सदस्यें कार्रवाई च विघ्न पानी जारी रक्खेआ, इस करी स्पीकर होरें दौनें मुद्दें पर चर्चा दी मंग गी खारज करी दित्ता।

<><><><><><>

Budget-Discussion

जम्मू-कश्मीर विधानसभा च बजट 2025-26 पर जारी आम चर्चा दे दुए ध्याड़े अज्ज विधायकें बजट दे बक्ख-बक्ख पैहलुएं पर अपनी गल्ल रक्खी। चर्चा दी शुरूआत करदे होई सदस्य मीर सैफुल्ला होरें आखेआ जे एहू इक अनोखा बजट ऐ ते एहदे च जम्मू-कश्मीर दे हर खेत्तर गी शामिल कीता गेआ ऐ। जिस्सलै के चर्चा च हिस्सा लेंदे होई प्रो. घारू राम भगत होरें आखेआ जे जम्मू-कश्मीर कृषि प्रधान खेत्तर ऐ, इस करी चेचा ध्यान राई-बाई आहले खेत्तर पर देना लोडचदा हा। तुआई हसनैन मसूदी होरें मुखमंत्री उमर अब्दुल्ला हुंदा लोकें दी भलाई-बेहतरी उप्पर केंद्रित बजट पेश करने लेई आभार प्रगट कीता। इसै चाल्ली इफ्तिकार अहमद होरें बी मुखमंत्री होरें'गी इक ऐसा बजट पेश करने पर धन्नवाद कीता जेदा समाज दे सब्भनें पैहलुएं पर लोहू पांदा ऐ। एहदे अलावा सलमान सागर, युद्धवीर सेठी, वहीद पर्रा, नीजामुद्दीन भट्ट, मुजफ्फर इकबाल खान, हिलाल अकबर लोन ते मेजराज मलिक होरें बी चर्चा च हिस्सा लैता।

<><><><><><>

LA-Medical Professional

सेहत ते मेडिकल शिक्षा मंत्री सकीना इत्तू होरें अज्ज विधानसभा च जानकारी दिती ऐ जे मैहकमे नै डाक्टरें ते सेहत खेत्तर च पेशेवर लोकें दी भर्ती दी प्रक्रिया च तेजी आंदी ऐ। उनें दस्सेआ जे नवम्बर 2024 च ताले गेदे 365 लोकें गी मेडिकल अफसर दे तौरा पर नियुक्त कीता गेआ ऐ ते इस्सै चाल्ती होर बी असामिएं गी बी पुर कीता जा'रदा ऐ।



Arunachal Pradesh Budget

अरुणाचल प्रदेश दे उपमुख्यमंत्री ते वित्त मंत्री चौना मीन होरें अज्ज राज्य विधानसभा च वित्तीय बरे 2025-26 आस्तै राज्य दा वार्षिक बजट पेश कीता जेदी कुल राशि करीब 39 ज्हार 842 करोड़ रपे ऐ जेदे च राजकोषीय घाटा करीब 966 अशारिया 5 करोड़ रपे ऐ। श्री मीन होरें आखेआ जे बजट गी विकसित अरुणाचल दे दृष्टिकोण कन्नै तैयार कीता गेदा ऐ जेदे च गरीबी, गुणवत्तापूर्ण शिक्षा, सोआस्थ सेवा, रोजगार, महिलाएं ते करसानें दी आर्थिक भागीदारी शामिल ऐ। उनें आखेआ जे बजट निवेश, बुनियादी ढांचा अर्थबवस्था ते नवाचार इनें चार स्तम्भें पर आधारित ऐ।

